

古
逸
丛
书

合

通

生

市

玉燭寶典卷第六

六月季夏第六

礼月令曰季夏之月日在柳昏火中且奎中

鄭玄曰季夏者

日月會於鶉火而斗建未之辰

律中林鐘

季夏氣至則林鐘之律應也

溫風始至

蟋蟀居壁

今案尔雅曰蟋蟀劉歆注云謂蜻蛚也孫炎云梁國謂之曰蜚郭璞云今趣織也

曰蜚音切音義云或作蜚方言曰蜻蛚楚謂之蟋蟀或謂之蜚南楚之間謂之正孫詩魚虫疏云蟋蟀或

似蝗而小正黑有光澤如漆有翅角一名蜚一名蜻蛚幽州人謂之趣織趣謂督促之言里語曰趣織鳴

蟻婦驚也

鷹乃學習腐草為螢

鷹學謂攫搏也螢飛虫今案尔雅螢火即熠

捷為舍人注云螢火名即熠夜飛有火虫也李巡云螢火夜飛腹下如火故曰即熠毛詩傳云熠燿

熒火也潘岳熒火賦白熠、耀、若升英
天子居明
始亂飄、頻若流金之在沙矣也

堂右个明堂右个命漁師伐蛟取鼃登龜取元龜四

甲類也秋乃勁成周禮曰秋獻龜魚又曰凡取鼃
用秋時是夏之秋也作月令者以為此秋據周之時

也周之八月夏之六月也日書於此誤也蛟言伐者
以其有兵衛也龜言登者尊之也鼃鼃言取羞物賤

也鼃皮可以冒鼓王肅曰較大而難制故曰伐龜靈
而洽尊故曰升鼃皮可以為鼓鼃肉可食得之易故

曰取官秋獻鼃於秋命澤人納材葦蒲葦之屬此時
當獻故於未夏而命

命四監大合百縣之秩葛以養犧牲令民無不成出

其力四監主山林川澤之官也百縣鄉遂之屬地有
山林川澤者也秩常也百縣給國養犧牲

之葦今月令以供皇天上帝名山大川四方

之神以祀宗廟社稷之靈以為人祈福皇天

北辰耀魄寶冬至所祭於圓丘也上帝大徽五帝也

命婦官漆采黼黻

文章必以法故毋或差忒

婦官漆人也采五色也

黑

黃倉赤莫不質良毋敢詐為質正良善以給

郊廟祭祀之服以為旗章以別貴賤等

給之度樹木方盛乃命虞人入山行木毋

有斬伐

為其未勁紐也

不可以興土功不可以合諸

侯不可以起兵動衆

土將用事氣欲靜

毋舉大事

以搖養氣

大事興徭役以有為

毋發令而待以妨神

農之事

驚令而待謂出徭役之令以豫驚民也

曰神農昔以驚則心動是害土神之氣也土神稱其主於稼穡

水潦盛昌

神農將持功舉大

事則有天殃

言土以受天雨澤安靜養物為功動之則致災害

土潤溽

暑

潤溽謂金濕也

大雨時行燒薙行水利以殺

草如以執湯

薙謂迫地艾草此謂欲稼菜地先薙其草乾燒之至此月大雨

不復生而地美可稼之也

可以糞田疇可以美

土強

土潤溽膏澤易行也糞美互文耳土強強剛之地

季夏行春令則

穀實鮮落國多風災

辰之氣乘之也未屬巽辰又在巽位二氣相亂為害

民乃遷徙

象風移物

行秋令則丘隰水潦

成之氣乘之也

九月宿直奎々為溝々瀆々禾稼不熟傷於水也乃多女

災含任之行冬令則風寒不時申之氣乘雁鳥隼蚤執類敗也

得疾癘之氣也今案詩小雅曰鴝彼飛隼鳥獸疏云隼鵠也齊人謂之擊正或謂題肩或謂爵鴈春化為

布穀此之屬數種皆為隼也韓詩章句曰隼鷹也孝經援神契曰立秋鷹擊雀舊說即雀是鷹又案周易

射隼高墉似非小鳥國語魯語曰有隼集于陳侯之庭而死韋昭注云隼擊鳥今之鶚也漢書鄒陽諫吳

王曰鶚鳥黑百不如一鶚孟康注鶚大鵬也左思蜀都賦曰鵠鶚鵠其陰注云鶚形如鵠韻集曰鶚鵠也

尔雅鷹隼醜其飛也翬諸家注皆云翬疾也不釋隼是何鳥應璩西狩賦曰倉隼煩翼而懸據是亦以鷹

為隼傳玄鷹兔賦云我之二兄長曰元鶚次曰仲鶚吾曰升鷹亦好斯武古樂府云鷹取鵠之兄然則鶚鳥

同有隼名詩疏所論還據鵠等數種物而為語足兼小大韓本或作隼旁鳥亦通四鄙入保

象鳥爵

之走竄蔡雍季夏章句曰今歷季夏小暑節日在柳

三度昏明中星去日百一十七度尾一度中而昏奎

二度中而明溫風至溫者氣之在風者也小暑之候

蟋蟀居壁蟋蟀虫名斯螽莎雞之類世謂之精蚘壁

者螻乳之處也其類乳於中深埋其耶是月螻者始

壯羽成尚居其室壁而未出也不言穴毋不居獨以

藏子詩云五月斯螽動股六月莎雞振羽七月在野

八月在宇九月在戶十月蟋蟀入我床下言五月始

能動足六月羽翼成七月乃出壁在野八月避寒近

人在屋雷九月就戶十月蟋蟀入我床下而遂蟄以
漸即溫之意也鷹乃學習鷹以中春化為鳩中夏陰
氣起而復為鷹文不見變而之不仁故不記也學習
者鷹鷂擊也於是宜羅之物出者不禁腐草
為蛙、蛭名也世謂之馬蛙盛暑所蒸陰氣所
化故朽腐之物變而成虫也不言化不復為腐
草也天子居明堂右、个、未上堂也命婦官
漆采絲帛之功既訖藍蒨之屬亦成故以染色也
右章句為釋月令

詩豳風曰六月沙雞振羽

毛傳曰沙雞羽成振訊之今案魚虫疏云莎

雞如蝗而班色翅數重下翅

正赤或謂之天雞六月

中飛而振羽索作声幽州謂之蒲錯韓詩章句曰莎

雞昆雞也沙莎声相近故二字並存也又曰六月食檮爵及奧

檮爵

屬奧與奧今案尔雅唐棣移嘗来反又嘗梨郭璞注云今白移也似白楊樹江東呼為夫移又曰常棣

郭云今關西有棣樹子似櫻桃可啖蒼頡篇檮爵車下李也別有棣移二字令似異木詩邵南何彼

穠矣唐棣之華毛傳云唐棣移也詩小雅常棣之華常棣之華鄂不韡韡毛傳亦云常棣移也詩草

木疏云唐棣馬季長云與李也一名檮爵堪今人或謂之檮爵詩云食檮爵及奧或謂之車下李所在山

澤皆有其華有赤有白高者不過四尺子六月中熟大如小李正赤有甜有酸率多澹少有美者復

似一類名有不同或當家園及詩小雅出車曰山澤所生小異耳之也

昔我往矣黍稷方華

鄭箋云黍稷方華朔方之地六月時云

詩小雅四月日六月徂暑

毛傳云且徂往也六月火星中

暑盛而往矣也

周書時訓曰小暑之日溫風至又五

日蟋蟀居壁又五日鷹乃學習溫風不

至國無完教蟋蟀不居壁急垣之暴

鷹不學習不備戎盜大暑之日腐草

為蛙又五日土潤辱暑又五日大雨時

行草不為蛙穀實鮮落土潤不暑急應

之罰雨不時行國無恩澤禮夏小正曰六

月初昏升枋正在上煮桃也者把桃把也者山桃也煮以為豆實鷹鳥始執焉而

言之何諱致之辭
易通卦驗曰小暑雲五色出伯勞鳴蝦

蟆無声

鄭玄曰雲五色出盖象雉

暑長二尺四寸四分黑

陰雲出南黃北黑

小暑於離值六二二離爻也為南黃耳體巽為黑故北

也大暑雨而溫半夏生暑長三尺四寸陰

雲出南赤北倉

大暑於離在九三九三辰在辰巽氣離為火故南赤巽木故北倉

詩紀歷樞曰未者昧也昧者盛也

宋均曰昧者昧事衆多

之類故曰盛也

尚書考靈曜曰氣在季夏其紀

填星是謂大靜無立、兵、命曰犯

命奪人一畝償以千里殺人不當償以

長子

鄭立曰用兵所奪土地所殺民人也

不可起土功是謂觸

天犯地之常滅德之光可以居正殿安

處舉有道之人與之慮國家以順盛時、

利以布大德脩禮義不可以行武事可以

大赦罪人其礼衣黃是謂順陰陽奉天

之常而主德中央而是則填星得度地

無灾近者視遠者來矣

春秋元命苞曰衰於未者昧也

宋均曰昧朦昧

明少貌也律中林鍾林鍾者引入陰

林猶禁也禁林而肉之也

爾雅曰六月為旦

李巡曰六月陰氣將盛萬物將衰故曰旦時也孫炎曰旦

之言麗物麗大

郢子曰季夏取桑柘之火

中央土既寄王四季又位在未

下故附此月以季夏受名韋等一時之首也

史記律書曰林鍾言萬

物訖死氣林林然又曰未者言萬物皆成有

滋味也淮南子時則曰季夏之月招搖指

未天子衣苑黃中宮御女黃色衣黃采其

兵劒

高誘曰季夏中央也劒有雨及喻無所主一日喻無所不主皆主人

其畜

牛六月官少內其樹樺

六月稼穡成熟故官少內也樺說未聞

白帟

通曰六月律謂之林鍾何林者衆也万物

成就種類衆多風土記曰濯林盪川長風

扇暑注云時斗建未到月節常有大雨

名為濯枝又東南常風六日止俗名曰

黃雀長風於是時海魚變為黃雀鳥也

崔寔四民月令曰六月初伏薦麥瓜于祖彌

齊饌掃滌如薦麥魚是月也趣私秬毋失

時命紅女織縑縛詩八月載績織也云周八月今

屬也今案禮曰賄用束紡鄭注云紡絲為之今之縛說文曰縛白鮮支也從絲專聲也

是月六日可種葵中伏後可種冬葵可種蕪菁

冬藍小蒜別大慈可燒灰染青紺古暗及今案論

語鄉黨曰君子不以紺緌飾紅紫不以為褻服鄭注云紺緌紫者玄類紅者纁類紺緌石染紅紫

草染說文曰紺帛染青楊赤色從絲甘聲也諸雜色大暑中後可畜瓠

藏瓜收芥子尽七月是月廿日可搗擇小麥

豈今案方言曰磴謂之磴郭璞注云即摩也磴音錯確反字苑曰婁磨也魯班作五磴反也

之至廿八日溲寢卧之至七月七日當以作麴

起六反凡卧寢之下十日不能十日六日七日亦可名躬親潔靜以供禋

祀裡一歲之用随家曲豆約多少無常可糶

大豆糶穡小麥收鱖縛中央土

禮月今日中央土

鄭方曰火然而盛德在上

其日戊巳

戊之言茂也巳之言

起也日之行四時之間從黃道月為之佐至此

其帝

黃帝其神后土

此黃精之君土官之臣黃帝軒轅氏后土亦顓頊氏之子曰蓊

為土官

其虫倮

象物露見不隱藏也

其音宮

声始於

八十一属土者以其

律中黃鍾之宮

黃鍾之宮律最長者也十二律轉相生

五声具則終於十二焉季夏之氣至則黃鍾之律應也

其數五

土生數五成數十而